

सादा फाइबर
भोला (सपिङ्ग
ब्याग) चाहिस्मा
सम्पर्क गर्नुहोला ।
प्रो. टीकाराम चौधरी
शुभम् कम्प्युटर
एन्ड स्क्रिन पिन्ट
धनगढी, बसपार्क (निकासरोड)
मोबाइल नम्बर:
९८०४६९३८३९, ९८६८७७९५४८

थारु भाषाके 'क' वर्गके राष्ट्रिय दैनिक

भाषा, संस्कृति ओ समाचारमूलक पत्रिका

पहुरा

PAHURA
NATIONAL DAILY

सामाजिक सञ्जालको
प्रयोग गर्दा
सावधानी अपनाऔं,
सामाजिक मर्यादाको
ख्याल गरौं ।



नेपाल सरकार
विज्ञापन बोर्ड

वर्ष २१ अंक २७३ वि.सं. २०८१ बैशाख १३ गते बिफे थारु सम्वत (२६४७) [Thursday 25 April 2024] (मोल रु. ५ | - पेज ४)

कैलालीमे लागु औषध बहल

चार वर्षमे १२७८ जाने पक्राउ, ८०८ उपर मुद्दा दयार

पहुरा समाचारवाता
धनगढी, १२ बैशाख । कैलाली
जिल्लामे अवैध लागु औषधसहित चार
वर्षमे १२ सय ७९ जाने पक्राउ परल
बटै । जिल्ला प्रहरी कार्यालय कैलालीसे
आर्थिक बर्ष २०७७/०७८ से आर्थिक बर्ष
२०८०/०८१ बैशाख १० गतेसम्मके तथ्यांक
सार्वजनिक करटी १२ सय ७९ जान
अवैध लागु औषध सहित पक्राउ परल
जनैले बा ।

जिल्ला प्रहरी कार्यालय कैलालीके
प्रवक्ता कविन्द्र बहादुर बोहराके अनुसार
आर्थिक बर्ष २०७७/०७८ सालमे ७९ जाने,
आर्थिक बर्ष २०७८/०७९ सालमे ३१५ जाने,
आर्थिक बर्ष २०७९/०८० सालमे ५२२ जाने
ओ आर्थिक बर्ष २०८०/०८१ सालके बैशाख
१० गतेसम्म ३५२ जाने पक्राउ परल जनैले
बटै । वसहेके चार वर्षमे ९ सय ८ जाने
विरुद्ध मुद्दा चलाइलफे वहाँ जनैले । प्रहरीसे
ओइन उपपर ब्राउन सुगर, नाइट्रोभट ओ
चरेश मुद्दा शिर्षकमे मुद्दा चलैले बा । चार
बरसके अवधिमे ११ सय ८३ पुरुष ओ ९६
महिला रहल बटै ।
अवैध लागु औषधसहित तीन जाने पक्राउ
कैलालीके धनगढी



उपमहानगरपालिकासे अवैध
लागु औषधसहित तीन जाने पक्राउ
परल बटै ।
धनगढी उप-महानगरपालिका
वडा नं. ०७ से वडा नम्बर २ बैठना बर्ष
१८ के दिलिप रानाहे शंका लागके
चेकजाँच करेवेर ९० मिलिग्राम लागुऔषध
खैरो हेरोईन बरामद करटी पक्राउ
कैगिल बा । धनगढी उप-
महानगरपालिका वडा नं. ०३ त्रिनागरसे
बर्ष १९ के चेतना सेटठीके थेनसे ३६०
मिलिग्राम लागु औषध खैरो हेरोईन
बरामद करटी पक्राउ कैगिल जिल्ला

प्रहरी कार्यालय कैलालीके प्रवक्ता कविन्द्र
बहादुर बोहरा बटैले ।
ओस्टेक करके जिल्ला कैलाली
धनगढी उप-महानगरपालिका वडा नं.
१२ जुगेडासे बैठना बर्ष १९ के मानविर
चौधरी ओ बर्ष १९ के सविन महतोके
साथसे ५ ग्राम ४३० मिलिग्राम लागु औषध
खैरोहेरोईन बरामद कैगिल बा ।
चोरी हुइल तीन मोटरसाइकल
बरामद
कञ्चनपुर वेतकोट नगरपालिका
वडा नं. ०२ बैठना बर्ष १८ के सन्देश
खत्री ओ बर्ष १९ के लोकेश बोहरासे

चोरी करल तीन ठो मोटरसाइकल
बरामद कैगिल बा ।

कैलाली धनगढी उप-
महानगरपालिका वडा नं. ०४ बसपार्क
बैठना राम बहादुर शाहीके सु.प.प्र.-०१-
०१० प २४६ नम्बरके २२० सिसिके
पल्सर यिहे बैशाख १० गते हुकाने घरमे
पार्किङ करके धारल अवस्थामे चोरी
हुइलमे वडा नं. ०४ मे ११ गते फाप्लासे
बरामद हुइल बा ।

कैलाली धनगढी उप-
महानगरपालिका वडा नं. ०३ बैठना बर्ष
२२ निरज चौधरीके सु.प.प्र.-०१-०१० प
७९७८ नम्बरके २०० एनएस पल्सर
बैशाख १० गते वडा नम्बर ३ स्वस्तिक
अस्पताल लगगेसे चोरी हुइलमे उहे वडामे
११ गते फाप्लासे बरामद हुइल बा ।

ओस्टेक करके कैलाली धनगढी
उप-महानगरपालिका वडा नं. ०४ बैठना
राहुल ओभाके सु.प.प्र.-०१-००९ प ९५८४
नम्बरके ३५० सिसिके रोयल ईन्फिल्ड
क्लासिक मोटरसाइकल बैशाख १० गते
उहे वडा उत्तर बेहडी स्थित गुरास
डेरीसे चोरी हुइलमे उहे वडा वडामे ११
गते बसपार्कसे बरामद हुइल जिल्ला प्रहरी
कार्यालय कैलालीके प्रवक्ता प्रवक्ता
कविन्द्र बहादुर बोहरा बटैले ।

प्रचारप्रसार निषेध अवधिके अनुगमन तथा निगरानी कैना

पहुरा समाचारवाता
धनगढी, १२ बैशाख । यिहे बैशाख १५
गते शनिचरके रोज हुइना बभाड ओ
इलाम जिल्लामे निर्वाचन आरसहिता लागु
प्रचारप्रसार निषेध अवधिके अनुगमन ओ
निगरानी कैना निर्वाचन आयोग जनैले बा ।

इलाम जिल्ला प्रतिनिधि सभा सदस्य
निर्वाचन क्षेत्र नं. २ मे रिक्त प्रतिनिधिसभा
सदस्य ओ बभाड जिल्ला प्रतिनिधिसभा
सदस्य निर्वाचन क्षेत्र नं. १ के प्रदेशसभा
सदस्य निर्वाचन क्षेत्र नं. १ मे रिक्त रहल
प्रदेशसभा सदस्य उपनिर्वाचन २०८१ के
लाग जारी निर्वाचन आचारसहिता, २०७९
मे हुइल व्यवस्था बमोजिम मतदान हुइना
दिन यिहे बैशाख १५ गते शनिचरसे ४८
घण्टा आघे बैशाख १२ गते बुधके रात १२
बजेसे मतगणनाके कार्य सम्पन्न हुइसम्म
प्रचारप्रसार कैना निषेध कैगिल बा ।

आयोगसे यी अवधिमे उपनिर्वाचन
हुइना सम्बन्धित जिल्लामे आचारसहिता
प्रतिकूल हुइना गतिविधिके निगरानी तथा
नियन्त्रणके लाग सुक्ष्म अनुगमन करके
आचारसहिता पालना करैना तथा निर्वाचन
(कसुर तथा सजाय) ऐन, २०७३ को दफा
२४ के उपदफा ५ के व्यवस्था कार्यान्वयनके
अनुगमन कैना विशेष संयन्त्रमाफत सुक्ष्म
अनुगमन करैना व्यवस्थासमेत मिलाइल
आयोगके उपसचिव एवम् सहायक प्रवक्ता
राम दत्त पाण्डेय जनैले ।

उहाँ निर्वाचन (कसुर तथा सजाय)
ऐन, २०७३ के दफा २४ के उप दफा ५

तथा निर्वाचन आचारसहिता, २०७९ के दफा
१७ बमोजिम प्रचारप्रसार निषेधके अवधिमे
निर्वाचन प्रचारप्रसार लगायत कौनोफे मेरिक
छलफल, अन्तरक्रिया, सभा, सम्मेलन,
कार्यशाला, गोष्ठी आदि कैना तथा
उम्मेदवारके पक्ष या विपक्षमे कौनोफे मेरिक
प्रचारप्रसार, एसएमएस, फेसबुक
भाइबरजैसिन विद्युतीय माध्यम तथा
सामाजिक सञ्जालसे समेत मत मागन निषेध
करल बटैले ।

निर्वाचन आचारसहिता विपरीत
वक्तव्य देना, प्रेस विज्ञप्ति निकर्ना, प्रकाशन
तथा प्रसारण कैना, सञ्चार माध्यमसे जित
वा हारके पूर्वानुमानके सामग्री प्रकाशन तथा
प्रसारण जैसिन कार्य नडकरके निर्वाचनके
स्वच्छता ओ निष्पक्षता कायम कैना आयोग
कहले बा । यी उपनिर्वाचनहे स्वच्छ,
स्वतन्त्र, निष्पक्ष ओ भयरहित वातावरणमे
सम्पन्न कैना करैना प्रचारप्रसार निषेध
अवधिके अनुगमन ओ निगरानी कैजिना
आयोगके उपसचिव एवम् सहायक प्रवक्ता
पाण्डेय जनैले ।

नेपाल प्रहरी तथा राष्ट्रिय अनुसन्धान
विभागके सम्बन्धित सक्कु एकाइ, जिल्ला
आचारसहिता अनुगमन समितिके पदाधिकारी
ओ अनुगमन अधिकृतसे नियमित अनुगमन
करके निर्वाचनके स्वच्छता, स्वतन्त्रता,
निष्पक्षता कायम कैना कहल बा ।

उपनिर्वाचन हुइना सम्बन्धित
जिल्लाके निर्वाचन क्षेत्रके राजनीतिक दल,
उम्मेदवार, उम्मेदवारके (बाँकी ३ पेजमे)

गुरगी बन्धुवा बनाई परल कटी किसानसे धर्नासहित सात दिने अल्टिमेटम



पहुरा समाचारवाता
धनगढी, १२ बैशाख । कैलालीके
कैलाली गाउँपालिकाके किसानहुके गुरगी
बन्धुवा हलहाली बनाई परल कट्टी
सुदूरपश्चिम प्रदेशके भौतिक पूर्वाधार
विकास मन्त्रालयमे बुधके रोज धर्नासहित
सात दिने अल्टिमेटम डेले बटै ।

सिँचाइके लाग सरकारसे बसेनी
बजेट विनियोजन करलेसेफे कार्यान्वयन
नहुइल कट्टी किसानहुके धर्ना डेहल
हुइल । कैलाली गाउँपालिका २
क्वर्भूककास्थित कट्टीनी लडियामे
बहुवर्षीय योजनाके रूपमे लेहल गुरगी
सिँचाइ योजनाके लाग चालु आर्थिक वर्षमे
सुदूरपश्चिम प्रदेश सरकार अन्तरगत
भौतिक पूर्वाधार विकास मन्त्रालयसे १२
करोड बजेट विनियोजन करल बा ।
गैल आर्थिक वर्षमेफे ६ करोड बजेट
विनियोजन करल रहे । मने
कार्यान्वयनमे नहुगैलपाछे स्थानीय
किसानहुके आन्दोलित हुइल रहित ।
ओइने योजना कार्यान्वयन तत्काल हुई
पर्ना कट्टी संघर्ष सुरु करले बटै ।
यिहे बिच किसानहुके भौतिक
पूर्वाधार विकास मन्त्री कैलाश चौधरीहे
योजना कार्यान्वयन लाग
अल्टिमेटमसहितके माग पत्र बुझैले बटै ।

योजना कार्यान्वयन नहुइलेसे चरणबद्ध
रूपमे संघर्षके कार्यक्रम कैना गुरगी
योजना संघर्ष समितिके संयोजक कमल
प्रसाद चौधरी चेतावनी डेले । संयोजक
चौधरीके अनुसार सरकारसे योजना
निर्माणके लाग आर्थिक वर्षमे ०७५/७६
मे ५० लाख, आव ०७९/०८० मे ६
करोड बजेट कार्यान्वयन नहुइलट्टी फ्रिज



गैल रहे । चालु आव ०८०/०८१ फे
विशेष अनुदानसे १२ करोड बजेट
विनियोजन करलेसेफे हालसम्म
कार्यान्वयनके प्रक्रिया समेत सुरु
नहुकरेवेर किसान आक्रोशित बनल बटै ।
संघर्ष समितिके संयोजक चौधरी
कहले, 'यी सरासर जनताहे ठगन प्रवृत्ति
हो । करिब ७ हजार जनसंख्या योजना
बन्लेसे लाभान्वित हुइल । मने कार्यान्वयन

नहुके हमे बहुत दुःखी हुइल बटै ।
आजके खबरदारी टेलर केल हो,
कार्यान्वयन नहुइलेसे काल्हेके दिन जनता
उतार्न तयार बटै ।'

ओस्टेक, कैलाली गाउँपालिका ५
के स्थानीय रेवन्त बोहरा कर्मचारी संयन्त्रसे
अपन खुसी योजनाहे असफल घोषित करके
जनताके सपनउपपर गद्दारी करटी रहल
बटैले । उहाँ चालु अवके बजेट फिर्ता
गैलेसे अपनेहुके जैसिनफे संघर्ष कैना तयार
रहल बटैटी काम नडकैना सिँचाइ विकास
डिभिजन कार्यालय कैलाली, मन्त्रालयके
सम्बन्धित कर्मचारीके राजीनामा समेत
माग करले ।

ओस्टेक गुरगी बाँध सिँचाइ जल
उपभोक्ता संस्थाके अध्यक्ष भीष्मराज
चौधरी डीपीआरके नाउँमे ठगन काम

हुइटी रहल कट्टी आक्रोश व्यक्त
करले । यिहे बिच भौतिक पूर्वाधार
विकास मन्त्री कैलाश चौधरी अपने
सम्बन्धित निकायसंग बैठके योजनाबारे
निकास देना प्रतिबद्धता जनैले ।
स्थानीय किसानसे ७ दिनभितर
कार्यान्वयनके प्रक्रियामे नहुगैलेसे
चरणबद्ध रूपमे संघर्षके कार्यक्रम कैना
चेतावनी डेले बटै ।

ADMISSION OPEN

PG TO NINE

**चैतन्य पाठशाला मानव मूल्यमा आधारित शिक्षण
सिकाइ क्रियाकलाप केन्द्रित एक पूर्ण विद्यालय हो ।**

शैक्षिक सत्र -२०८१ का लागि शिशु कक्षा देखि नौ कक्षा सम्म सीमित संख्यामा
संस्कार, संस्कृति, सचेतना र सक्षमताका लागि चैतन्य पाठशालाको शैक्षिक
सहाय्यता जोडिन यहाँहरूलाई सहृदय अनुरोध गरिन्छ ।

MORE INFORMATION

📞 091-524847, 9848456341
🌐 www.chaitanyapathashala.com
📍 Shivanagar, Dhangadhi

REGISTER NOW

CONTACT US

📞 091-524847, 9848456341
✉ chaitanyadhagadhi@gmail.com

शिक्षा र संस्कारको संगम
चैतन्य पाठशाला
धनगढी-५, शिवनगर, कैलाली

सञ्चय कोषसे मुनाफा वितरण

काठमाडौं, १३ वैशाख । कर्मचारी सञ्चय कोष अपन सञ्चयकतहि मुनाफा वितरण करले बा । कोष सञ्चालक समितिके मंगरके रोज बैठल आर्थिक वर्ष २०७९/८० के वित्तीय विवरण स्वीकृत करि मुनाफा वितरण करना निर्णय करल हो ।

कोषसे सञ्चय कोषके सञ्चयकर्ता तथा निवृत्तभरण कोषके योगदानकर्ताहि आव २०७९/८० के व्यक्तिगत खातामे रहल सुरु मौजूदा रकममे १.१० प्रतिशतके दरसे हुइना रकम मुनाफाके रूपमे वितरण करल हो । निर्णय हुइलसँगे सञ्चय कोषके सञ्चयकर्ता तथा निवृत्तभरण कोषके योगदानकर्ताके खातामे उ रकम जम्मा करल कोष जनैले बा ।

कोष आव २०७९/८० मे सञ्चयकतहि कोष रकमके धितोमे प्रवाह हुइल विशेष सापटीमे लगैना ब्याज ओ



कोष रकममे प्रदान करना ब्याजदरमे १.१० प्रतिशतके दरसे रहलमे यी मुनाफा वितरणपश्चात् सञ्चयकतहि थप ब्याजके भार नैपरना अवस्था हुइल बा । आव २०८०/८१ के लाग कोषमे रहल रकममे ७.५ प्रतिशतके दरसे ब्याजसमेत प्रदान हुइल बा । कोषके यी निर्णयसँगे सञ्चयकर्तासे आव २०८०/८१ के सुरु मौजूदा रकमे ८.६ प्रतिशतके दरसे ब्याज प्राप्त करले बा ।

कोषमे आव २०७९/८० के सुरु मौजूदा ४१६३६ करोड रहलमे उ रकमके आधारमे मुनाफा रकम वितरण हुइलसँगे ४५८ करोड रुपैयाँ बराबरके रकम कार्यरत तथा पूर्वसञ्चयकर्ताके करिब आठ लाख ६० हजार खातामे जम्मा करल बा ।

कोषसे अपन स्रोतसे स्वास्थ्य उपचार सुविधा, काजकिरिया अनुदान, सुत्केरी तथा शिशु स्याहार

सुविधा, दुर्घटना क्षतिपूर्ति अनुदानलागतके सामाजिक सुरक्षा सुविधा प्रदान करि आइल बा । कोषसे प्रत्येक वर्षके मुनाफाके रकम सञ्चयकर्ताके लाग खडा करल कोषमे जम्मा कैके यी मेरिक् योजना सञ्चालन करि आइल बा । सामाजिक सुरक्षा योजना सञ्चालनके लाग यी वर्ष मुनाफाके १२ प्रतिशतसे हुइना रकम ७२ करोड २० लाख रुपैयाँ छुट्ट्याइल बा । कोषसे अपन सदस्यके सेवाकालके आवश्यकता परिपूर्ति करना उद्देश्यसे विशेष सापटी, घर सापटी, शैक्षिक सापटी, घर मर्मत सापटी, सरल कर्जा, जग्गा खरिद सापटी जस्टे सापटी सुविधासमेत कोषसे उपलब्ध करैटि आइल बा ।

प्रचारप्रसार निषेध...

प्रतिनिधि, मतदाता, निर्वाचनमे खलल कर्मचारी, सुरक्षाकर्मी, पर्यवेक्षक, संचारकर्मी, तथा निर्वाचनमे संलग्न व्यक्ति, संघ/संस्था ओ निकायबाहेक निर्वाचन कार्यसंग असम्बन्धित बाह्य जिल्ला वा क्षेत्रके व्यक्ति ओ व्यक्तिके अवाञ्छित आवागमन ओ अनधिकृत गतिविधिहे निगरानी कैना कहल बा । निर्वाचनके स्वच्छता ओ मर्यादामे प्रतिकूल असर पना अवस्था देखलमे अनुमानमे खलल टोली ओ सम्बन्धित सुरक्षा निकायसे नियन्त्रणमे लेके कानून बमोजिम कारवाही प्रक्रिया आघे बहैना कहल बा । निर्वाचन (कसुर तथा सजाय) ऐन, २०७३ के दफा २१ बमोजिम उम्मेदवार वा निर्वाचन प्रतिनिधि वा अन्य कौनो व्यक्तिके निर्वाचन अवधिभितर कौनो मतदाताहे ओइनके मतदानके अधिकार प्रयोग कैना वा नइकैनाके लाग वा मतदानके अधिकार प्रयोग करल वा नइकरल वापत उपहार, पुरस्कार, इनाम, दानदातव्य वा बकसके रूपमे नगद वा जिन्सी डेना वा डेना मन्जूर कैना वा सार्वजनिक भोज आयोजना कैना ओ मतदातासेफे ओसिन प्रयोजनके लाग ओसिन नगद वा जिन्सी लेना वा लेना मन्जूर कैना ओ सार्वजनिक भोजमे सहभागी हुइना जैसिन कार्य निर्वाचन कसुर हुइल ओरसे ओसिन कार्य कहू कट्टे हुइल करल पैलेसे कानून बमोजिम तत्काल कारवाही कैना आयोगके उपसचिव एवम् सहायक प्रवक्ता पाण्डेय बटैले ।

खरबुजा बिक्री नैहोके लगानी नैउठना चिन्ता



सर्लाही, १२ वैशाख । गर्मी बहलसँगे सडक किनार तथा बजारमे खरबुजा बिक्री करे बैठलहुके पहिले जस्टे व्यापार नैहुइल बटैले बटै ।

दिनानुदिन गर्मी बहके सर्लाहीसहित तराईके जिल्लामे पूर्वपश्चिम राजमार्गसहित अन्य प्रमुख सडकके किनार ओ मुख्य बजार क्षेत्रमे जहाँतहाँ खरबुजा बिक्री करे ढरले बटै । यकर

बिक्री भर सन्तोषजनक नैरहल व्यापारीके कहाइ बा । लालबन्दी बजारस्थित राजमार्ग किनारमे खरबुजा बेचे बैठल अशोककुमार साहु यी वर्ष खरबुजा बिक्रीसे लगानी उठैनासमेत मुस्किल परना अवस्था रहल गुनासो करलै । जहाँ पहिले पहिले दुई/तीन महिनामे खरबुजा बिक्रीसे अपन लगानी कटाके ६०/७० हजार

रुपैयाँसम आम्दानी हुइना करठ मने यी वर्ष लगानी उठैना गाहो हुइल बटैले । "मनैसँगे पैसा नैहो, पैसा हुइलसे ना अइसिन बाट किनके खाइल हो," साहु कलै, "महँगी फेन ओत्रे बा, हप्ते महँगा तिरके नाने परठ, ओम्ने दुई पैसा महँगा करके बेचे परठ ।" मुख्य कैके चैत, वैशाख ओ जेठ तीन महिना खरबुजाके बिक्री हुइठ । लालबन्दी बजारमे खरबुजा बिक्री करना बैठल विनोदकुमार साह कानुसे अइना ठाउँसे खरबुजा महँगा मूल्यमे आके महँगामे बिक्री करे परल बटैले ।

तराई क्षेत्रमे चितवन तथा पूर्वके टमान जिल्लासे खरबुजा नानके बिक्री करना करल बा । ८० हजार रुपैयाँ लगानी कैके खरबुजा बिक्री करना बैठल कानु फेन लगानी उठैना गाहो परना अवस्था आइल बटैले ।

कानुके अनुसार टमान जिल्लासे ३५/३६ रुपैयाँ प्रतिकेजी किनके नन्ना करल खरबुजा दुवानीसहित लगानी उठैना यहाँ नानके ५० से ६० रुपैयाँसममे बिक्री करना करल बा ।

गहुँ बोटमे सुकके...

मुहान सुकल ओरसे खोलाते पानी नैहो । ओस्टे फेन खेतके गहुँ सुकना हुइलपाछे कृषक त्रासमे बटै ।

कुछ उपाय नैहुइल ओरसे कुछ किसान घरपरिवारके पेट पालेक लाग भारत ओर जाइ लागल बटै कलेसे कुछ किसान दैनिक आकाशमे हेरटि दिन बिटाइटे । रास्कोट २ के कविराज जैसी गाउँमे रोजगारी नैरहल ओ बारीके गहुँ सुकके डगरमे हराइलपाछे परिवारके पेट पल्ना दुई महिना रलेसे फेन भारतओर जाइ लागल बटैले । शनिचरके जिते बसपाके भेट हुइल जैसी असरके अन्तिम ओर पानी परलमे रोपाई करेक लाग आइ परि, पानी नैपरि कलेसे आके फेन कुछ काम नैहुइल कटि अपन लगायत ढेर यी समयमे भारत जैना बाध्य हुइल सुनैले ।

रोजगारीके लाग भारत गैल नागरिक घर फिर्ता हुइना समय हो । मने खेतबारीमे लगाइल गहुँ खडेरीसे सुकल कारणसे घरमे बैठके का खैना कटि भारत जाइ परना बाध्यता हुइल जैसीसँगे भेट हुइल पालाँता ९ के भैरे साकीके कहाइ बा । अगहनमे गहुँ छिटके नैनीताल गैल रहै । चैतके १२ गते घर पुरलै । गाउँमे कुछ नैहो । सब खडेरीसे खाइल ओरसे बैठके का करना । ओहे मारे फेन भारत जाके दुई महिना हुइलेसे फेन खाद्य किन्ना रुपैयाँ हुइ कहिके जाइ लागल बटैले । अइसिन समस्या कालीकोटके सब गाउँ बस्तीमे बा ।

सिँचाइके लाग स्थानीय सरकारसे कुलाके व्यवस्थापन नैकरना, जथाभाबी सडक निर्माण करना कटि एक्काभेटेर (डोजर) लगाके पानीक मुहान फेन अन्यत्र सरल ओरसे साबिकके मुहानमे पानी नैहो । पानीके श्रोत बन्द होके खोलामे

फेन पानी नैबहना करल ओरसे सिँचाई कुला रहल ठाउँमे फेन किसान सिँचाई करे पैले नैहुइटे । अइसिन समस्याके समाधानओर सरकारके खास चास नैहो । जलवायु तथा वातावरणके क्षेत्रमे लम्मा अनुभव सम्हारल राष्ट्रिय योजना आयोगके पूर्व सदस्य मीनबहादुर शाही जलवायु परिवर्तनके नकारात्मक असरसँगे जुध्न स्थानीय सरकार विशेष ध्यान देहे परना बटैले । उहाँ पानीक मूलके संरक्षण, बोटबिस्वाके सुरक्षा, कुछ स्थानमे आरसिसी पोखरीके निर्माण करलेसे किल खडेरीसँगे अनुकूलन हुइ सेक्ना सुझाव डेलै ।

साबुन पानीसे मिसिमिस हात धुइलेसे हेग्नीपोक्नी ओ अन्य सरुवा रोगसे बँचे सेक्जाईट् ।

अन्तर्राष्ट्रिय नासाके भोएजर अन्तरिक्ष यानसे पृथ्वीमे इन्जिनियरिङ अद्यावधिक पठैना सुरु



काठमाडौं, १२ वैशाख । अमेरिकी अन्तरिक्ष एजेन्सी नासा नोभेम्बरपाछे पहिलचो भोएजर-१ अन्तरिक्ष यान अपन जहाजके इन्जिनियरिङ प्रणालीके स्वास्थ्य ओ स्थितिके बारेमे प्रयोगयोग्य डाटा फिर्ता करल जैले बा । भोएजर-१ ४५ वर्षसे ढेर समयसे हमार सौर्यमण्डलके अन्वेषण करटि बा । 'प्रोब' ओ यकर जुम्ल्याहा भ्वायजर-२ ताराबिच अन्तरिक्षमे उरना एक ठो किल अन्तरिक्ष यान हो । स्पेस प्रोब वैज्ञानिकहे सौर्यमण्डलके बारेमे जानकारी प्राप्त करना मद्दत करठ । नासाके अनुसार ओर चरण हुइल अन्तरिक्ष यानहे पुनः विज्ञान डेटा नन्ना सुरु करना सक्षम करना हो ।

भोएजर-१ गैल वर्ष नोभेम्बर १४ मे पृथ्वीमे पठनयोग्य विज्ञान ओ इन्जिनियरिङ डेटा पठैना रोकल रहे । यद्यपि मिसन नियन्त्रकहुके अन्तरिक्ष यान अभिन फेन ओइनके आदेश प्राप्त करटिरहल ओ सामान्यरूपमे सञ्चालन करटि रहल बटैले बटै । मार्चमे दक्षिणी क्यालिफोर्नियामे नासाके जेट प्रोपल्सन प्रयोगशालामे भोएजर इन्जिनियरिङ टोली अन्तरिक्ष यानके तीनठो अनबोर्ड कम्प्युटरमध्ये एकसँगे जोरके पुष्टि करले रहे । यी पृथ्वीमे पठैनाआघे विज्ञान ओ इन्जिनियरिङ डेटा प्याकेजिङके लाग जिम्मेवार रहल बटैले बा । करिब ४६ वर्ष पहिले प्रक्षेपण करल जुम्ल्याहा भोएजर अन्तरिक्ष यान इतिहासमे सबसे लम्मा ओ सबसे डुरके अन्तरिक्ष यान हो । भोएजर इन्टरस्टेलरके उद्देश्य कलेक सौर्यमण्डलके नासा अन्वेषणहे बाहिरी ग्रहके छेउछाउसे बाहेरके सूर्यके प्रभावके क्षेत्रके बाहिरी सीमासम विस्तार करना हो । ओइनके इन्टरस्टेलर अन्वेषण सुरु हुइनाआघे डुनु प्रोब शनि ओ बृहस्पतिसे उरल ओ भोएजर-२ युरेनस ओ नेपच्युनसे उरल रहे ।

महत्वपूर्ण कागजात हराएको सूचना

मिति २०८० पौष १६ गते धनगढीदेखि महेन्द्रनगर जाने क्रममा हेमन्तप्रसाद जोशी को नाममा रहेको कक्षा १२ को ट्रान्सक्रिप्ट सर्टिफिकेट हराएकोले फेला पार्नु हुने माहनुभावले नजिकैको प्रहरी कार्यालय वा ९८६८७९३३३ यो नम्बरमा सम्पर्क गरी बुझाई दिन हुन अनुरोध छ ।

NEB registration No.: 787680170092
सम्पर्क व्यक्ति: हेमन्तप्रसाद जोशी
सम्पर्क नम्बर: ९८६८७९३३३

श्रम तथा रोजगार कार्यालयको जनहितमा जारी सन्देश

- असल श्रम सम्बन्धको आधार सामाजिक सुरक्षा र रोजगार औद्योगिक दुर्घटना न्यूनीकरण गरौं, व्यवसायजन्य रोग लागनबाट बचौं ।
- योगदानमा आधारित सामाजिक सुरक्षा राम्रो साक्षा प्रतिबद्धता ।
- बालश्रमको पंयोग नगरौं, नगराऔं ।
- बालश्रमको अन्त्य गरी शिक्षातर्फ उन्मुख गराऔं ।
- बालश्रम शाषण विरुद्धको अभियानमा हातेमालो गरौं ।
- श्रम अडिट प्रत्येक वर्षको पौष मसान्तभित्र अनिवार्य रूपमा गर्नु गराउनु उद्योग/प्रतिष्ठानको कर्तव्य हो, अन्यथा नियमानुसार कारवाही गरिने छ ।
- श्रम ऐन, २०६४ र नियमावली, २०७५ को पूर्णरूपमा कार्यान्वयन गरौं ।
- रोजगार र श्रमिकबीच सुमधुर सम्बन्ध कायम गरौं ।
- रोजगार सम्भौता गरेर मात्रै काममा लागौं र लगाऔं ।

श्रम तथा रोजगार कार्यालय

धनगढी, कैलाली

पाचन प्रणाली रोग तथा कलेजो प्रत्यारोपण विशेषज्ञ

निसर्ग हस्पिटल धनगढीमा

डा.शेखर पौडेल

MBBS, MD (PGIMER, Chandigarh)
DM Gastroenterology (AIIMS, New Delhi)
Fellowship in Liver Transplant Hepatology
NMC No. 11983

सबै खाले पेट, कलेजो अनि पाचन प्रणाली सम्बन्धि समस्याहरू

- खाान नपच्ने, ज्यास्ट्राइटिस, पखाला
- कब्जियत, जन्डिस, अपच, भोक नलाउने,
- बारम्बार बान्ता, वाकवाकी लाउने
- छाती दुख्ने र जलन हुने, गिल्लन गाह्रो हुने
- पेट दुख्ने, पेट फुल्ने, एसिड रिफ्लक्स,
- तौल घट्ने, दिसा र बान्तामा रगत बाउने
- रगत को कमि हुने

नाम दर्ता गरी दुक्क हुनुहोस! डाक्टर आउने मिति **वैशाख १५-१६ गते**

हसनपुर, धनगढी-५, कैलाली, नेपाल
091-527000/01/02, 9865680100, 9804600745
nisargahospitalnepal@gmail.com / nisargahospitalnepal

28 घण्टा आक्रामक सेवा

कृषिमा छाडा चौपाया ओ बजारीकरण प्रमुख समस्या

पहुरा समाचारदाता
भजनी, १२ बैशाख । कैलालीके टीकापुर नगरपालिका-२ के सरिता घर्तीमगरसँग १० कट्टा जमिन रहल बा । उहे जग्गामे खेतीपातीकैके गुजारा कैटी आइल सरिता इ बेर हिउँदे खेती नैलगौली, खेत बाँझ रहल ।

छाडा पशु चौपायाके सास्तीसे उहाँ खेती नैलगौली हुइटी । उहाँ हिउँदे खेती नैलगौलीके उहाँ अब्बे २० हजारके गहुँ खरिद करले बाटी । “आपन जग्गा बाँझ राखके ओरेक ठनसे खाद्यान्न किने परल बा । इ सक्कु छाडा पशुचौपायाके कारण हुइल हो”, उहाँ कहली, “खेती लगौबो कलेसे चौपायाहे ठिक हुइट् ।”

केरा खेतीकैटी आइल चक्रबहादुर घर्तीमगर कृषि पेसासे किसानसे उत्पादन कैलेसे फेन छाडा चौपायाके कारण बसेनि खेतीयोग्य जमिन खाली हुइना अवस्थामे पुगल बटैलै । चौपाया व्यवस्थापन नैहुइसम कृषकके लगानी खेर जैना ओहकान कहाइ रहल बा ।

टोल विकास संस्थाके अध्यक्ष मायादेवी सोनाहा औरैक जग्गा भाडामे लेके कृषि कैटी आइल बाटी । ओहकान परिवार नै कृषिमे आश्रित रहल बा । व्यावसायिक कृषि कैटी आइल उहाँ फेन छाडा पशुचौपायासे कृषि पेसासे विस्थापित हुइना अवस्थामे पुगल बावै ।

“दुनियाँके चौपायालानके हमार वडामे व्यवस्थापन करल बा । उ नाउँके

किलव्यवस्थापन होके किसान खेती कैना छोरल बाटै”, मायादेवी कहली, “यदि गौशाला व्यवस्थापन करे सेक्लेसे भर कृषिमे ढेर सम्भावना रहल बा ।”

टीकापुर नगरपालिकासे सामुदायिक चौपाया व्यवस्थापनके लाग गौशाला आसपासके किसानहे गौशालासे अडना चौपायासे हैरान बनैले बाटै । जौन गौशालामे जानकी गाउँपालिका ओ टीकापुर नगरपालिकाके करिब एक हजारसे ढेर चौपाया व्यवस्थापन करल बा ।

केराखेतीकैटी आइल खुशीराम चौधरी बजारीकरणके समस्यासे उत्पादन हुइल वस्तु लागत मूल्यसे कममे बिक्री करे पना बाध्यता रहल बटैलै । बजारीकरणमे विचौलियाके कारण किसानमे अस्वस्थ प्रतिस्पर्धा हुइना करल उहाँके गुनासो रहल बा ।

“किसानहे सरकारसे सहूलियत उना हो कलेसे उत्पादन हुइना सक्कु वस्तुके मूल्य निर्धारण कैना काम राज्यसे करे परल ओ उत्पादित वस्तु खरिद कैना काम राज्यसेकरे सेक परल”, उहाँ कहलै, “अत्रा करे सेक्लेसे भर राज्य कृषिके नाउँमे उना अनुदान, सहयोग उहे नैपरी । भर प्राविधिक सहयोग कैलेसे किसानहे राहत हुइ ।”

ओस्टके बंगुरपालक किसान पतीराम चौधरीसीप नैसिखके व्यवसाय सञ्चालन करेबर ढेर नोक्सानी बेहोरे

परल बटैलै । किसानहे प्राविधिक सहयोग ओ तालिम आवश्यक रहल उहाँ बटैलै ।

“मैले एक सय सातौ बंगुर पालल रहूँ । उ मध्ये ७६ बंगुर मुगौलै । ओम्ने २८ बंगुर बच्चा पैनाहा रहिठ । उ मुनाके कारण पत्ता लगाइ नैसकौल”, उहाँ कहलै । एक वडामे एक जाने प्राविधिकके व्यवस्थाकरल रहट कलेसे बंगुरसे लाखौँ घाटा खाइ पना स्थिति नैअडना ओहकान कहाइ रहल बा ।

कृषि प्राविधिक वीरबहादुर चौधरी स्थानीय सरकारसे एक वडा एक कृषि प्राविधिकके व्यवस्थापन कैटी किसानके खेटवासम प्राविधिक पुना व्यवस्था करे पना जोड डेलै । उहाँकिसान एग्रीभेटप्रति पूर्ण आश्रित हुइल बटैलै ।

टीकापुर नगरपालिका वडा नं २ के वडाध्यक्ष दिपक चौधरी कृषिसे आत्मनिर्भर बनैना वडासे टोल विकास संस्थाहे जागरुक बनाइ लागल बटैलै । “कृषिहे व्यवसायीकरण कैना एकठो टोल विकास संस्थाहे परीक्षणके रुपमे अदुवा खेती विस्तारके योजना वडासे बनैले बा । इ बरस सफलता हासिल हुइ कलेसे वडाके १८ टोल विकास संस्थाहे व्यवसायसँग जोरब”, वडाध्यक्ष चौधरी कहलै, “ओम्ने कृषि स्थानीयके लगानी आवश्यक रही । कृषि लगानी ओ ओकर बजारीकरण वडा कार्यालयसे करी ।”

उहाँ कृषि सहकारीसँग समन्वय कैके तरकारी संकलन केन्द्र

घोडाघोडी तलुवासे मिचाहा प्रजाति हटैटी

जमुना न्युरे

सुखड, १२ बैशाख । कैलाली जिल्लाके विश्व रामसार सुचिके सुचिकृत घोडाघोडी ताल नेपालके पहिल बर्ड सेन्चुरी (चरा अभय आरण्य क्षेत्र) घोडाघोडी तालमे मिचाहा प्रजाती बेसरमाहे हटाई लागल बा ।

घोडाघोडी तालके उत्तर क्षेत्रके बड्का सिराहा, छोड्की सिराहा, छोटिक छिडटिलया, लम्की कोन्ढिया, ओ पुर्वी क्षेत्रके अब्बे ताल नइविलाइठ पुरे बेसरमा विलाइठ ।

सुदूरपश्चिम प्रदेश उद्योग, पर्यटन, वन तथा वातावरण मन्त्रालयसे डिभिजन वन कार्यलय पहलमानपुरहे वार्षिक

कार्यक्रम अन्तरगत रकम छुट्याके घोडाघोडी तालके मिचाहा प्रजाती बेसरमा हटाई लागल डिभिजन वन अधिकृत राम बिचारी ठाकुर जानकारी डेलै ।

अब्बे ३ लाख बजेट रहल बा मिचाहा प्रजाती बेसरमा हटैटी बटी, सक्कु ताल भर हटाइक लाग बजेट अपुग हुइना ओरसे स्थानीय पालिका, सुरक्षा निकाए, सरक्षणमे सक्रिय सघं सस्था, धार्मिक सघं सस्था ओ सामुदायिक वन उपभोक्ता समूहके सहयोगमे बेसरमाहे व्यवस्थापन तथा नियन्त्रण कैना डिभिजन वन कार्यलय प्रमुख ठाकुर बटैलै । अब्बे सिमासार क्षेत्रमे आश्रित १४ जाने बेसरमा हटैना कार्यमे लागल बाटै ।

सर्पदंश (सर्पको टोकाई) बाट बच्न...

- घर बरिपरि सर्प लुक्न सक्ने सम्भावित स्थानको खोजी गरी त्यस्ता ठाउँको व्यवस्थापन गरौं,
- घर बरिपरि सफा राखौं, प्वालहरु टालौं,
- खुलास्थानमा शौच नगरौं,
- खाली खुट्टा नहिडौं, जुत्ता वा गमबुट लगाऔं,
- लट्टी लिएर हिँडौं,
- सम्भव भएसम्म खाट/खटिया वा चौकी वा पलङ्गमा सुतौं,
- सुत्दा झुलको अनिवार्य प्रयोग गरौं,
- सुत्नेबेलामा ओछ्यान राम्ररी हेरौं,
- राती हिँड्दा टर्चको प्रयोग गरौं,
- पराल दाउरा आदि निकाल्दा होसियारी अपनाऔं ।



नेपाल सरकार
विज्ञापन बोर्ड

अनलाइन मिडिया सञ्चालकसे ध्यानाकर्षण



पहुरा समाचारदाता
धनगढी, १२ बैशाख । सुदूरपश्चिम प्रदेश सरकारके आन्तरिक मामिला तथा कानून मन्त्रालयसे सुदूरपश्चिम प्रदेशमे सञ्चालनमे रहल अनलाइन मिडियाहे विभेद करले बा ।

मन्त्रालयसेआम सञ्चार क्षेत्रके संस्थागत क्षमता अभिवृद्धि सम्बन्धि प्रकाशित करल सूचनामे अनलाइन

सञ्चार माध्यमहे छुटाके विभेद करल कहटी यहाँके अनलाइन सञ्चालक तथा सम्पादकगम्भीर ध्यानाकर्षण हुइल बटैले बाटै । उहाँहुके बुधके संयुक्तरुपमे मन्त्रालयहे ध्यानाकर्षण पत्र बुझैटी यथाशक्य निर्णय सच्याइना चेतावनी डेले बाटै ।

मन्त्रालयकेउपसचिव कृष्णप्रसाद नेपालहे ध्यानाकर्षण पत्र बुझैटी संघर्ष

समितिके सदस्य विराज रोस्यारा अब्बेक विज्ञान ओ प्रविधिके युगमे सबसे प्रभावकारी माध्यम नै अनलाइन मिडिया हुइल अवस्थामे फेन मन्त्रालयसे अनलाइन मिडियाहे हेना दृष्टि कपट तथा खोटपूर्ण रहल बटैलै । उहाँ कहलै, ‘आम सञ्चार क्षेत्रमे अनलाइन मिडियाहे फेन तुरुन्त समावेश नैकैलेसे हम्मे कडा आन्दोलनमे उत्रब ।’

ध्यानाकर्षण पत्र बुझैटी उपसचिव नेपाल मन्त्रालयके सचिव काम विशेषसे बाहर गैल ओरसे उहाँ अड्टी किल बाट रहल बटैलै । उहाँ कहलै, ‘इ विषयमे का रहल बा, उ मै बुभके छलफलमे लानके माग पूरा कैना प्रयास करम ।’

आन्तरिक मामिला तथा कानून मन्त्रालयसे गत चैत २३ गते आम सञ्चार क्षेत्रके संस्थागत क्षमता अभिवृद्धि सम्बन्धि सार्वजनिक सूचना जारी करल रहे । सूचनामे अनलाइन मिडिया बाहेक रेडियो, टेलिभिजन ओ पत्रपत्रिकाहे किल आवेदन उना आह्वान करल रहे ।

ग्राहक वर्गहरूमा खुशीको खबर !

हाम्रो यहाँ सबै कम्पनीका रि-कण्डिसन मोटरसाइकलहरू पाइनुका साथै मर्मत पनि गरिन्छ र सबै कम्पनीका हेल्मेट र पार्ट्सहरू थोक तथा खुद्रा मूल्यमा पाईन्छ ।
कुनै पनि मोटरसाइकल नगद खरिद गरेमा आकर्षक उपहारको व्यवस्था रहेको जानकारी गराउँदछौं ।



संजय अटो सेल्स एण्ड रि-कण्डिसन

धनगढी-४, उत्तरबेहडी (चटकपुर शहिद गेट भन्दा दुईसय मिटर पूर्व)
फोन न. ०९१४१०१०५, सुजित मो. ९८५८२३९१२, सुनिल मो. ९८६७७९३५२१, महेश मो. ९८१३१३१०२९

सुवर्ण अक्सर ! सुवर्ण अक्सर !! सुवर्ण अक्सर !!!



डा. सौरभ सुवेदी
फिजिसियन

डाक्टर आउने मिति:
प्रत्येक दिन २४ औं घण्टा

- सेवाहरू:
- पेट, मुटु तथा छातीको रोगसम्बन्धी समस्या,
 - मधुमेह (डायाबिटीज) समस्या,
 - कलेजो रोग सम्बन्धी समस्या,
 - TB, हेपाटाइटिस रोगको समस्या,
 - ब्लड प्रेसर तथा हृदय रोग सम्बन्धी समस्या ।

डाक्टर आउने समय : प्रत्येक दिन, आकस्मिक सेवा (चिकित्सक) २४ घण्टा

हाम्रा सेवाहरू : १) २४ घण्टा इमर्जेन्सी सेवा, फार्मसी सेवा, अत्याधुनिक प्याथोलोजी, रंगीन इण्डोस्कोपी, डिजिटल एक्सरे, रंगीन भिडियो एक्सरे, अत्याधुनिक अप्रेसन थियटरबाट सेवा, वातानुकुलीन एम्बुलेन्स, वातानुकुलीन क्याबिन । २) स्त्री रोग तथा प्रसूती सम्बन्धी सेवा (बाँझोपन, सेतोपानी बग्ने, तल्लो पेट दुख्ने, महिनावारी गडबडी, पाठेघर खस्ने, पाठेघरको अप्रेसन, गर्भवती तथा सुत्केरी सेवा) । ३) ल्याप्रोस्कोपी तथा जनरल सर्जरी (हाडडोसिल, हर्निया, पायल्स, फिस्टुला, स्तनमा गाँठागुठी आउने, शरिरका विभिन्न भागमा गाँठागुठी, घाउ खटिरा, पत्थरी, किडनीको पत्थरी, प्रोस्टेटको अपरेसन तथा पित्तथैलीको पत्थरी अप्रेसन) । ४) हाड(जोर्नी तथा नशा सम्बन्धी सेवा (हाटखुट्टा बाझ्ने, फ्याक्चर, हाडजोर्नीको दुखाई, कम्मर दुख्ने तथा अत्याधुनिक मेसिनबाट हड्डीको अप्रेसन)छाती, मुटु, कलेजो तथा पेट सम्बन्धी सेवा । ५) यौनरोग, कपाल तथा छाला रोग सम्बन्धी सेवा । ६) मानसिक तथा मनोरोग सेवा । ७) नाक, कान, घाँटी रोग सम्बन्धी सेवा । ८) मुर्छा पनु, टाउको दुख्ने जस्ता समस्याहरू, प्यारालाइसिस हातखुट्टा नचल्ने सम्बन्धी सेवा । ९) न्यूरो (नशा रोग) लागुपदार्थ दुर्व्यसनी, कुलत सम्बन्धी, हाटखुट्टा भ्रमभ्रमाउने, छारे रोग । १०) आगोले पोलेको हातखुट्टा बाझ्नेको र खुँडेको अप्रेसन आदि सेवा ।

कैलाली अस्पताल प्रा.लि

जिल्ला प्रशासन कार्यालय अगाडि, पशुपति टोल, धनगढी, कैलाली
फोन नं. ०९१-५२४५५५, ५२४६५४, ५२१२४९

नवजीवन अस्पताल

"Patient Care is our Motto"

उपलब्ध विशेषज्ञ सेवाहरू

१) हाडजोर्नी तथा नशा रोग सेवा	९) स्त्री तथा प्रसूती रोग सेवा	१७) नि शूलक आना सुरक्षा कार्यक्रम
२) नवजात शिशु तथा बालरोग सेवा	१०) जनरल तथा टूरिनिंगबाट उपचार सेवा	१८) नि शूलक क्षयरोग विलकिक
३) जस्तल मेडिसिन (पेट, छाती) सेवा	११) शाला रोग उपचार तथा रोकथाम सेवा	१९) स्वारस बिना कार्यक्रम
४) नाक कान घाँटी रोग सेवा	१२) न्यूरोल तथा न्यूरो सेवा	२०) नि शूलक सोप सेवा
५) मानसिक तथा नशा रोग सेवा	१३) ब्यूरोगर्भरक नशा तथा नैरदण्ड रोग सेवा	२१) २४ से घण्टा इमर्जेन्सी सेवा
६) फिजिकल प्यथरी तथा प्रोस्टेट लेजर सर्जरी विशेषज्ञ सेवा	१४) मिडिसी/केमिस्टरी सेवा	२२) २४ से घण्टा फालीरी सेवा
७) डायलाइसिस सेवा	१५) मिडिसी एक्स रे सेवा	२३) २४ से घण्टा एम्बुलेन्स सेवा

उत्तरबेहडी-४, धनगढी, कैलाली, नेपाल
+977 091-521233, 521733

aspatalnavjeevan@yahoo.com
https://navjeevanaspatal.com
navjeevan.aspatal

24 Hours Emergency Service

साबुन पानीसे मिसमिस हात धुइलेसे हेग्नीपोक्नी ओ अन्य सरुवा रोगसे बँचे सेक्जाईट् ।